

欽定剿平粵匪方略

欽定勦平粵匪方略卷三百五十一 癸亥年

八月十二日 丙戌 李鴻章奏 臣於七月二十五

日由崑山行抵常熟聞僞納王邵泳寬等撲陷
蕩口鎮欲竄常熟當派總兵滕嗣武等水陸各
軍分道迎勦 臣親督師船繼進該逆節節潰退
我軍追至蘇城齊門外攻破黃埭賊壘三座斃
賊五六千人僞納王僅以身免立將蕩口鎮收

復

李鴻章又奏冒江陰圍攻日久賊勢已蹙偽護
王偽潮王偽武王偽齊王偽區王五大股糾衆
十餘萬山常州蘇州等處分道來援綿亙數十
里李鴻章以賊衆兵單久恐難支立調張樹珊
等六營由常熟福山馳往並調總兵郭松林等
八營橫衝賊後勦破祝塘璜塘賊巢且戰且進

沿途擒斬四五千人李鶴章劉銘傳周覽江城
四圍賊勢西自江邊東至山口沿河紮木城十
餘座其中石營土壘木卡大小百餘座守禦極
堅因令各營分路進剿二十九日劉銘傳由中
路進誘賊出敵郭松林忽自山後翻上逆衆并
命迎戰郭松林大呼殺入橫衝直突該逆尾隊
撤動頭隊遂亂劉銘傳張樹珊揮衆直搗中堅

賊遂大潰各軍追殺人馬自相蹂踐死者山積
附城踞賊見援衆敗走惶惑不定我軍乘勢蹙
之遂將沿河木城石壘一律平毀追過南門焚
其船隻二百餘號城西各賊仍復死守劉銘傳
添調洋槍隊並帶炸礮乘勝轟擊先將石營一
座轟塌各勇越濠踰牆賊遂棄營而走黃翼升
又將極西山邊賊營攻破於是城外各股援賊

勦逐淨盡李鶴章當飭各營將該城四面圍困
七月三十八月初一等日各軍分門進攻賊衆
內亂我軍乘夜登城四面衝殺逆勢披靡遂將
城中之賊悉數殲除江陰縣城卽於初一日克
復僞廣王薰王是否死於亂刃之中俟查明續
報查江陰縣城介江海之衝拊常州無錫之背
爲南賊北竄咽喉自臣軍攻勦日緊忠逆卽噤

守賊僞廣王李愷瞬勾引通州教匪盛廣大等
糾衆數千謀爲內應幸先事發覺稍遏亂萌臣
於克復崑太後卽派李鶴章劉銘傳督兵進駐
常熟楊厓自夏徂秋時與大股悍賊互爭必欲
力克此城以杜蘇常逆匪北竄之路茲各軍銳
志攻取水陸將士血戰二十餘日擊退援賊各
股十餘萬先後擒斬賊衆約兩萬有奇足以寒

逆膽而振軍威黃翼升劉銘傳郭松林等踴躍
衝鋒堅忍效命厥功甚偉除臣弟四品銜補用
知州李鶴章不敢仰邀

獎敘外其總兵黃翼升等謹先行開列仰懇

天恩俯准給予獎勵其餘出力及陣亡之員弁兵勇

容臣查明分別奏請獎卹臣卽日馳赴江陰督
籌妥辦再行回滬奏入

上命議政王軍機大臣傳諭李鴻章曰江陰一城現經官軍克復該逆渡江北竄之路業已斷絕從此乘勝進兵則常州無錫之賊亦必聞風膽落惟匪黨甚多失此要區難保不糾合醜類再來撲犯李鴻章現由常熟前赴江陰著卽妥爲布置飭令在營將士循序漸進嚴防該匪回竄毋得稍涉大意其踞守江陰之僞廣王薰王是否殺斃抑係逃出

仍著李鴻章查明具奏

上諭內閣曰江陰一城爲南賊北竄咽喉關繫甚重
此次水陸各軍銳志攻取將士血戰二十餘日擊
退援賊十餘萬先後擒斬賊衆二萬有奇克拔堅
城盡殲悍黨實足以寒逆膽而振軍威知州李鶴
章著以知府補用並賞加三品銜總兵黃翼升著
賞穿黃馬褂劉銘傳郭松林均著以提督記名儘

先簡放副將周盛波張樹珊周國興均著以總兵
記名簡放略國忠著賞給勁勇巴圖魯名號參將
周盛傳著賞給勳勇巴圖魯名號知縣劉盛藻著
免選本班以同知留於江蘇補用遊擊李長樂唐
殿魁彭楚文略金榮均著以參將儘先補用並賞
加副將銜三品頂戴法國兵丁畢乃爾著賞加副
將銜並賞戴花翎其餘出力及陣亡之員弁兵勇

著李鴻章查明奏請分別獎卹

李鴻章又奏冒逆匪大股踞守楓涇臣派編修
劉秉璋等進紮官塘該逆前來撲營經道員潘
鼎新擊退我軍牆濠甫就賊忽來撲勢甚兇猛
潘鼎新開礮轟擊逆衆驚潰撿斬百餘名奪獲
槍礮旗幟無算十三日劉秉璋等三路並進該
逆不出各營連放炸礮轟倒石壘數處忽嘉善

援賊大至楓涇逆匪突出數股迎拒遊擊蔡渭川等分隊繞過賊營之西將援賊擊退副將楊鼎勳等繞至賊營東北該逆憑河抗拒我軍開礮轟擊立將賊壘攻破斬擒甚多餘賊由嘉善縣一路竄去自楓涇克復後嘉興平乍各賊來援嘉善者約三四萬人分踞干窑西塘等處綿亙二十餘里劉秉璋等拔隊進攻援賊分路迎

拒我軍水陸並進分隊抄擊該逆首尾不能相顧英人馬格里以開花礮擊斃賊十餘人我軍四面燒殺生擒七百餘人當將賊壘攻克西塘鎮一律肅清餘賊竄併干審一路復經我軍進擊踏破賊壘賊營餘逆遁入嘉善縣城臣維楓涇西塘兩鎮爲松江入嘉興要隘賊所必爭此次越境苦戰旬日之間攻堅奪隘連克壘卡二

十餘座撿斬甚衆實賴將士用命現飭分路堵
紮以扼蘇嘉之吭相機進剿以助吳江之勢尤
爲出力之編修劉秉璋應如何獎勵之處出自
聖裁其道員潘鼎新等應行開列仰懇

天恩俯准給予獎勵陣亡之守備潘國宏把總趙炳
鴻張全福陳廷材外委胡標應請

飭部從優議卹其餘陣亡弁勇容臣查明彙案辦理

奏八

上諭內閣曰此次官軍克復楓涇鎮石壘並攻克嘉善縣北之西塘鎮踏毀干窩賊巢出力之編修劉秉璋著以侍講遇缺題奏常鎮道潘鼎新著賞加按察使銜總兵張遇春著賞給一品封典副將楊鼎勳著以總兵記名簡放並賞給鋒勇巴圖魯名號唐宏成著賞給策勇巴圖魯名號參將江福山

著賞給強勇巴圖魯名號高占彪著以副將仍留
四川儘先補用遊擊劉起著以參將仍留福建儘
先補用並賞加副將銜參將吳長慶等均著免補
參將以副將儘先補用都司徐道奎著免補都司
以遊擊儘先補用張紹棠著以遊擊儘先補用並
賞加副將銜參將聶桂榮等均著免補參將以副
將儘先補用陣亡之守備潘國宏把總趙炳鴻張

全福陳廷材外委胡標均著交部從優議卹其餘
出力之文武員弁暨陣亡各弁勇並著李鴻章查
明彙案奏請獎卹

十四日 戊子 都興阿富明阿奏冒據探八月初一

日江陰縣城克復初二日賊竄申夏港口勾結
該處踞匪分撲江邊搶擄民船均經我軍擊退
該逆向常州竄去查江陰附近各港尙有賊巢

當此逆賊分散防堵尤宜嚴密總統水師吳全美已飭各幫礮船嚴行防禦以杜逆匪紛竄奏
入

上命議政王軍機大臣傳諭都興阿曰江陰縣城業經克復江北防堵事務都興阿仍當督飭水陸各營妥籌布置不得因南岸軍情稍鬆致形疏懈

同日暫署陝西巡撫按察使張集馨奏言漢南

近日軍情據毛震壽稟稱石逆中旗近與髮捻
爭糧分屯定軍山圓墩子等處仍用僞易王旗
號馬逆派撥伊弟回踞沔縣東關僞扶王陳得
才已有竄志僞啟王梁逆因受重傷誓陷郡城
以洩其忿僞端王藍大瞬踞於東南菜集子僞
遵王賴逆屯於西北村莊賊營缺鹽並於襄城
東關設市貿易穀米現飭留壩廳鳳縣等處文

武設法分撥兵團出防馬道青橋一帶俟大兵
進剿兵團可從雞頭關而下乘機收復褒城並
防北竄武字營擬由甯汭而進已飭丁毓藻等
在彼籌糧張由庚一軍擬先屯沈家寨以易佩
紳爲策應朱桂秋進關卽應繞出漢山之左前
淮駱秉章照會添派湘果中右兩軍一俟約會
定計卽從城固分兵迅由文川柳林鋪而西並

調南山各團助剿自可立解重圍臣查楚軍梁
作楫屯紮興安現已商同多隆阿並咨官文催
令移紮西鄉茶鎮既可遏賊東竄亦可防其北
奔周有全帶領礮船二十隻到興於七月十六
日先撥十四隻駛往石泉擇要防堵李雲麟計
可入陝當卽督師會剿新撫臣劉蓉由通江取
道來漢據報湘果營已抵南江嚮導營現屯牟

家壩桂字營已至青石關袁甲鵬復稱果健八
營已由城固南渡邀同楚軍會勦是軍威業已
大振事權復將歸一漢南諸賊當可次第殲除
奏八

上命議政王軍機大臣傳諭多隆阿劉蓉張集馨曰
劉蓉自簡放陝撫以來尙未據奏報由川入陝此
時自通江進發如何籌布進勦機宜諒必奏報在

途當此各路之軍已集著卽星速前進統率諸軍
先將漢中城圍力解督同李雲麟等將陝南羣醜
奮力蕩平並卽檄飭各廳州縣集團守險以助軍
威嚴防豕突仍與多隆阿等隨時聯絡聲勢以籌
全局

十五日丑己左宗棠奏冒僞堵王等屬聚湖口經

劉典等分路進攻先將青山橋賊巢攻克其上

下彭之賊亦經官軍剿洗各逆紛紛下竄現在
湖口等處一律肅清江忠義等分道跟追諒可
得手惟疊據賊供該逆有仍圖由徽竄江之計
現在江防無事劉典一軍已取道回徽俟探明
賊蹤卽當相機進剿

左宗棠又奏言逆賊由皖竄江其謀雖狡然都
昌各境北阻長江西臨鄱湖南隔章江皆有水

師防堵賊匪鼠竄其間三面皆水實亦自趨絕地惟江西之浮梁及安徽之黟祁可爲旁竄之路安徽之建德石埭一帶可爲退竄之路臣於劉典援徽之始屬其嚴扼嶺路以保徽休黟祁如賊竄江則力保浮梁以杜紛竄劉典善審地勢故轉戰而前幸免隕越現據探報賊匪欲由石太竄入嶺內又有將趨廣德以援金陵之信

臣維石太一帶無糧可擄賊難久踞能偏其下
竄廣德以重兵扼之則徽甯之防可固卽浙師
攻取湖州亦較易得手臣惟當隨時會商曾國
藩飭令各軍相機進剿奏入

上命議政王軍機大臣傳諭左宗棠曰江西全境肅
清此股賊匪非復竄江西卽回趨廣德前經疊諭
曾國藩沈葆楨飭江忠義等諸軍乘勝進規池太

並諭左宗棠飭劉典督率各營由徽境之羊棧嶺
馳往會剿此時江忠義等軍定可追賊入皖著左
宗棠仍遵前旨辦理務令徽郡各營與江忠義諸
軍聯絡聲勢前截後追將池太股匪就地殲除毋
任蔓延旁竄滬軍現已攻克江陰蘇州嘉興等城
攻剿正在喫緊賊勢漸蹙左宗棠當檄令蔣益澧
等軍攻賊要害使賊兼顧不遑當更有一二處可

以得手

十六日

庚寅

馮子材魁玉奏言博落等處踞匪經

官軍擊敗後分竄句容之茅村一帶八月初一

二等日悉數遁回丹陽鎮城附近已無賊蹤據

曾國荃來函金陵官軍自印子山大捷後連破

上方橋賊壘數處南北長圍漸合俟兵力厚集

即可剋期進攻鎮城矛立江濱尤慮賊氛橫溢

臣督飭總兵田宗揚進紮丹徒鎮聽候進止一面簡閱勁旅購備火器力圖戰守用固要防奏
入

上諭曰鎮城戰守倍加緊要宜嚴密相機籌辦毋得
稍涉大意嗣後軍情仍著隨時探明具奏

十七日辛卯李鴻章奏言臣於八月初四日由福

山行抵江陰察看軍情各營將士血戰日久本

應略加休養再行進兵惟當賊鋒大挫之際機會難失臣與黃翼升等悉心籌議如兵力足用則須分三路一進常州一進無錫一進蘇州之閶門使賊首尾難顧無如臣部陸師不過四萬自金山衛至江陰橫互四五百里面面賊巢蘇州圍園皆水賴有水師扼紮以補陸軍所不逮若更遠略常州實覺接應不暇爲今之計以規

取蘇州爲要而蘇州旱路一由胥門葑門以達
吳江平望程學啟帶兵扼之一由闔門滄關以
達無錫須將無錫攻克始能由此路進剿是吳
江爲南路咽喉無錫爲北路咽喉欲披其腹心
須先搯其咽喉庶可漸偏漸緊現踞常州之僞
護王陳坤書雖經我軍擊敗難保不圖再逞踞
守無錫之僞潮王黃擺子堅守不出當飭各軍

乘勢蹙之擬令劉銘傳進紮江常錫交界之青
陽鎮兼防護逆繞襲我後周盛波紮無錫之芙
蓉山郭松林紮無錫之緱山道員張樹聲等紮
張涇橋爲郭松林周盛波後路援應又令總兵
黃中元紮蕩口前之大橋角以堵蘇賊竄常熟
之路凡此數路均令黃翼升分派師船相爲依
護以固糧路而助攻勦李鶴章自督小隊往來

調度總期進可制賊退可自立接會國基函稱
僞忠王因蘇常危急將由金陵回援我軍前進
必有大戰事臣惟諄飭諸將力求穩慎相機夾
擊至江陰縣城關繫緊要必須擇人駐守查副
將駱國忠前曾力保常熟心志甚堅近來營規
益整所有京口協副將一缺應請

旨卽以駱國忠署理俾專責成

李鴻章又奏言臣周厯江陰城內外屍骸枕籍慘目傷心爲他處所未睹推詢其故由軍情日緊賊氛日盛徧肆焚掠難民欲就近渡江於裏下河完富之區各求生路都興阿以防奸細爲詞禁絕北渡大拂人情以致常屬無告之民强者偏而爲匪弱者慘遭荼毒現在江陰旣克江北當可無慮而常州無錫正值用兵其矛遺之

民願就近避徙過江者宜聽其便江南民氣本
弱其先與官兵遠隔賊尙假仁義以安民迫官
兵壓境賊必大加焚擄聚資糧丁壯爲死守計
窮民迫欲逃生斷無人人欲作奸細之理都興
阿擁陸軍二萬水師數千專守揚州離賊較遠
江陰至鎮江百餘里之江而果能整飭軍威認
眞防範大股賊匪斷難飛渡卽有一二奸細亦

易查辦奚忍與此數百萬災民爲仇強分畛域
耶謹據實上

開奏八

上命議政王軍機大臣傳諭李鴻章曰江陰克復李
鴻章擬令劉銘傳進紮青陽鎮周盛波等分紮芙蓉
山等處黃翼升分派師船相爲依護李鶴章自
督小隊往來調度所籌均屬周密著卽照所議妥

速進兵並嚴檄諸將不可屢勝而驕稍有輕敵之意總期進可制賊退可自保方能節節進取克奏全功江陰一城關繫緊要副將駱國忠前曾力保常熟心志甚堅該撫派令扼守江陰可期得力所有京口協副將一缺卽著駱國忠署理李鴻章仍當隨時策勵俾該員益知感奮用收臂指之助前因江陰難民紛紛北渡恐有奸匪潛跡擾及完善

是以准都興阿所請不得率行擺渡如查明實係
難民有家屬住居江北亦須先行咨會北岸文武
地方官稽查安插並非概不准其北渡避地本日
又諭都興阿等設立渡口遇有北渡難民彼此知
照認真稽查妥爲撫恤該撫仍當遵照前旨查明
咨會以重防務至南岸克復地方已屬不少並當
督飭地方官各就所轄境內招集流亡分別安撫

上又命議政王軍機大臣傳諭都興阿富明阿吳棠
曰都興阿等前因江陰難民擺渡過江派兵禁阻
該將軍等慎重江防保全完善辦理甚屬認真但
不分良莠概禁北渡小民無辜被戮固屬可慘或
因無處謀生飢餓倒斃亦殊可憫甚至強壯者被
賊裹脅反爲該匪添助黨與於軍務甚有關繫現
在江陰已復而常州無錫正值用兵其孑遺之民

亦必有避難過江者自應量爲變通妥籌濟渡俾江南被脅難民有自逃之路我多一民則賊少一兵被陷各城攻取更易得手著都興阿富明阿吳棠妥速籌商於沿江要隘酌設渡口一二處分飭防江員弁及地方文武各官就兩岸渡口嚴密稽查如實係避難良民言貌形跡並無可疑或攜有家眷或經南岸帶兵大員及地方官先期照會者

均應准其陸續渡江妥爲撫綏安插用副朝廷軫念災黎至意如查有形跡可疑之人該將軍等仍當遵照前旨隨時認真查明懲辦務令奸匪無遁跡之所而良民有避地之方庶戢匪安良兩盡其道不致因噎廢食也

二十一日乙未曾國藩奏言大江南岸諸軍自江

西肅清後黃汶金等股圍撲青陽守將朱品隆

病勢日篤不能登陴將士病者過半苦守兩旬
兵單糧絕岌岌可危李榕之由水路赴援者甫
抵離城十八里之銅埠江忠義席寶田之由陸
路赴援者現尙未至池州青陽之能否保全殊
無把握縱青邑倖保無恙而賊意在圍魏救趙
將徧擾皖南最要之區以掣金陵官軍之勢凡
甯國蕪湖南陵涇縣灣沚清弋江必將處處喫

緊臣以金陵各軍新破上方橋河西二壘城賊水運已斷不得已檄令鮑超引軍西上以勦由江回皖之賊以救甯國蕪湖之急奏入

上命議政王軍機大臣傳諭曾國藩沈葆楨曰青陽危急必須援兵早到方可保全江忠義席寶田二軍現在行抵何處著曾國藩沈葆楨迅卽催提此項兵勇令與李榕水路之師會合力解青陽之圍

保全皖南要地曾國藩已檄令鮑超引軍西上以
剿由江回皖之賊其甯國蕪湖南陵涇縣等處著
飭各守將嚴爲戒備以鮑超爲游擊之師毋令逆
氛肆擾此股竄賊由江西敗遁其膽已寒得江忠
義等軍並鮑超一軍合剿當可聚而殲旃俟青陽
賊股剿辦完竣仍令鮑超等軍前赴金陵以圖合
圍而顧全局

二十三日丁酉候補四品京堂李雲麟奏言臣抵

襄陽現將軍火餉需粗爲料理卽行督軍前進
刻下陝南賊勢藍陳二逆聞楚軍西上懼而協
謀已分黨數萬竄踞鎮安意在牽掣我軍查鎮
安一縣緊接河南毗連湖廣且爲臣進兵之路
該逆在鎮盤踞旣可斷楚軍糧道復可竄擾他
省以兵情而論楚師進剿諸軍未合兵力尙單

若徑行西上圖解漢中之圍儻行抵興漢東路
之賊乘勢包抄西路之賊亦必藉犄角之勢益
肆猖狂欲速反遲儻有貽誤將來更難得手以
地形而論漢郡城池被圍已久守禦之力將竭
望援甚殷毛震壽既有解兵之信所部各軍呼
應不靈難期得力川省援兵雖有張由庚統帶
與陝兵尙未會合新任陝西撫臣劉蓉到陝尙

需時日陝南爲臣專責使勦辦鎮安稍稽時日而漢中有失厥咎誰歸臣通盤籌畫現在鄖陽一路最屬空虛臣擬從此路進兵俟行抵陝境察看情形若川軍已至漢中城圍較鬆便可先勦鎮安踞匪再行西上若城圍岌岌而外援不至卽將現帶李桓舊部候補總兵蔣運喜之義勝三營調紮山陽所屬之漫川關一帶防其東

竄鄖陽再留臣舊部楚軍千人駐壘漢陰責成
副將雷復勝等扼要固守以杜該逆回援漢中
之路而自帶步隊五營與水師同進直向漢中
一面飛調川軍會合進剿以圖迅解城圍至興
安郡城現有梁作楫全軍駐守商州郡城亦經
多隆阿派兵防守計此兩處尙可無虞奏入
上命議政王軍機大臣傳諭劉蓉李雲麟曰陝南軍

務亟須整飭毛震壽雖尙能撐拄而勦辦總難期
得力卽著李雲麟迅由鄖陽帶領所部星馳赴陝
速解漢中城圍分救鎮安其漢陰及山陽所屬之
漫川關等處分布各軍卽照所擬辦理仍著劉蓉
迅速由川赴陝以資統率該撫自簡任陝撫後何
以至今尙無奏報前據陝省奏報桂字營等兵均
已由通江取道入陝是否該撫業已在途著卽懍

遵前旨星馳前進劉蓉到陝南後一切地方軍務
及毛震壽李雲麟新舊各軍均歸該撫節制以一
事權李雲麟卽可會同劉蓉陳奏事件毋庸自行
單銜具奏

二十七日辛丑曾國荃奏言官軍攻克印子山後

臣調提督蕭慶衍一軍渡江進紮東路時上方
橋西岸尙有賊壘二座與七堽橋相爲犄角臣

派李祥和等進紮前敵又派熊登武等繞出賊後扼要駐紮該逆糾集大股抗拒經提督蕭孚泗等擊退追至秣陵關攻破賊卡十餘座殺賊甚多其西岸賊壘亦經蕭慶衍等進攻破其土壘二座殺賊殆盡自是東岸之賊不敢來犯而小河運糧之賊船亦斷至江東橋賊壘陳湜率吳隆海等多備火器乘夜環攻該逆併力堵禦

我軍四面擊殺立將石壘攻克並破其附近賊
卡賊壘數處城中之賊出隊來援蕭孚泗等合
力堵禦陳提復增修數壘分兵駐守與楊岳斌
水師相爲依護以扼水西旱西兩門衝突之路
至鮑超一軍本欲進紮孝陵衛與彭玉麟楊岳
斌礮船聯絡因督臣曾國藩改調鮑超全軍援
皖令臣分營保護下關及七里洲各營後路當

派提督張詩日等移紮幕府山一帶惟臣軍占
地頗寬兵分力單援賊將至現派易良虎等同
湘募勇計九十月間可抵金陵屆時再騰山老
營紮至孝陵衛此次應行請獎請卹各員弁均
俟查明咨請督臣彙入雨花臺等案一併陳奏
奏入

上諭曰陳湜等攻克江東橋石壘尙爲出力著將詳

細戰狀及應行獎卹人員咨明曾國藩彙案陳奏
現在曾國荃尙未履浙撫之任嗣後金陵攻勦情
形著與楊岳斌彭玉麟等隨時稟知曾國藩統由
曾國藩奏報曾國荃毋庸單銜出奏以一事權

欽定剿平粵匪方略卷三百五十二 癸亥年

九月初一日乙巳惲世臨奏請髮逆至綏壩後偵

知龍山有備徘徊蜀楚之交未敢遽進而包逆
一股方以全力環攻田宗營太平場營壘周洪
印率兵馳救偏賊而營賊棄壘狂奔併歸悶溪
老巢周洪印派隊分路進剿攻破悶溪巢穴斃
賊千餘名餘匪竄往老山正思會合黔軍擣穴

擒渠以期一勞永逸適髮逆李幅猷大股由四川西陽等處潛襲湖南永綏廳屬勢將直趨乾州圖擾辰常臣飭周洪印等督率兵練沿途截擊疊有斬獲賊勢不支收歸平浪周洪印派兵夾擊斃賊一千餘名周洪印立將平浪賊營踏毀賊之前隊已自鴨保寨竄得勝營後隊亦往合股九月初三日該逆從四都坪繞竄麻陽等

處於羊股腦搭造浮橋意欲渡河以犯浦市周
洪印親督各軍馳赴浦市繞至賊前賊方半渡
周洪印等督率師船開礮轟擊奪船四十餘號
斃賊四百餘名賊梟水退竄對岸將來或假道
沅靖八粵或橫出澧浦以窺寶辰均未可知臣
飭總兵趙福元率師駐紮洪江王永章率舊部
千人馳赴寶慶探明賊蹤相機防勦沅州府城

皇朝通志卷三十三 二
已由周洪印派田宗營等飛往協防此時靖邊
情形漸鬆知府戈鑑一軍亦可移緩就急調往
會剿奏入

上命議政王軍機大臣傳諭惲世臨曰此股髮逆係
屬百戰之餘現在蓄意回竄楚南且恐與沅寶一
帶餘匪勾合惲世臨現今總兵趙福元暫駐洪江
並令田宗營等協防沅州府城分飭王永章所部

及戈鑑一軍會合防剿著卽督飭在營將士嚴密
布置務將此股匪徒就近殲除毋得縱令他竄以
致滋蔓難圖

初四日戊申李鴻章奏冒程學啟規蘇各軍進紮

婁門外跨塘旋調水陸官兵滾營前進八月初
四日至永安橋屯紮直逼城根賊由婁葑齊三
門突出二萬餘人分路來撲程學啟等軍分門

迎戰槍礮齊施立將賊隊壓退斬斃數百名初
九日臣旋抵上海卽飭總兵陳東友等各帶礮
船並咨商李朝斌酌撥太湖水師數營駛入寶
帶橋一帶與陸軍會剿初十日賊匪五六萬人
分門復出官軍奮勇攔擊斃賊三千餘名賊衆
奪路狂奔追至護城河落水淹斃者甚夥據探
僞忠王李秀城已於十一日由金陵回蘇所帶

賊黨甚衆意欲立解蘇城之圍該逆現於婁葑兩門外堅築石壘我軍礙難猛撲必先攻克東南官塘之寶帶橋賊壘進步方寬十六日程學啟等督率水陸各軍將寶帶橋之西石營一座東土營三座先後奪取分軍進剿賊衆棄壘而逃遂將賊壘踏平程學啟親督各隊分段駐扼查蘇州形勢甚固米糧甚足實與金陵爲犄角

忠逆現由金陵回救意欲護此巢穴程學啟督
軍進紮直薄城根足扼東南衝突之路寶帶橋
爲水路要區蘇垣鎖鑰茲賴官軍協力攻取該
逆失其屏蔽從此進鏟附城逆壘卽可設法攻
城臣又調總兵張遇春副將梁安邦知州吳毓
芬等四營交程學啟調遣以資進剿

李鴻章又奏言八月十二日總兵郭松林親督

馬步各隊由東亭鎮節節進攻適潮逆率萬餘人憑壘抗拒官軍進逼逆壘連開槍礮奮力勦擊賊始敗走我軍乘勝追至無錫南門外刃傷潮逆幾爲我擒約計斃賊二三千名奪獲旗幟器械無算自東亭鎮至無錫東南兩門沿途賊壘賊卡一律踏平臣飭劉銘傳等趕緊進紮聯絡攻勦奏入

上命議政王軍機大臣傳諭曾國藩李鴻章曰蘇州東南寶帶橋賊壘爲水陸要區現經我軍攻克則攻取蘇城已成破竹之勢著李鴻章激勵將弁節節進攻以期迅克堅城仍須穩紮穩進計出萬全不可稍涉大意至無錫一路經郭松林等協力進攻自東亭鎮至無錫東南兩門賊壘賊卡一律踏平潮逆受傷攻剿正極得手著李鴻章迅飭劉銘

傳等軍趕緊進紮與郭松林等軍聯絡聲勢爲規
取無錫之計僞忠王李秀城已由金陵回蘇所帶
賊黨甚衆意欲立解蘇城之圍現在忠逆旣回蘇
郡金陵老巢勢必空虛我軍正可乘此機會迅圖
攻取著曾國藩督飭曾國荃等軍乘虛進擣俾賊
首尾不能兼顧金陵蘇州二城或有一處可以得
手

同日張集馨奏言據梁作楫稟稱川匪圖竄山陽該處緊接鄖西李桓所募義勝三營行抵興安經鄖陽鎮府稟請兩湖督臣同紮鄖西該部義切援秦責兼防楚祇得仍駐興安未便移扼茶鎮又據石泉縣知縣陸莖稟稱屢聞髮逆下竄之謠深慮賊衆勇單無以保全興安門戶因約西鄉漢陰甯陝等廳縣會辦聯團每邑挑選

壯丁一萬名以一半留守本邑一半出境防勦
漢江劃河爲界合四廳縣之衆密布北岸節節
防守並以楚師礮船梭巡上下該逆斷難飛渡
等語臣已檄飭該令主持其事並檄西鄉漢陰
甯陝各廳縣一體照辦許以官紳出力優加保
獎如有從中牽制者據實稟叅至漢中近日軍
事川軍均出青石關從南路進勦擬先埽平油

坊街賊巢張由庚進次雲峯寺易佩紳扼於兩
河口分屯犄角俟蕭慶高何勝必等軍到齊進
紮高家嶺三路進攻可以次第掃蕩惟沔縣襄
城有賊西路尙覺空虛現已知會川督駱秉章
飭令周達武等軍徑出大安驛兩縣之賊必望
風而逃卽可次第收復奏入

上命議政王軍機大臣傳諭官文駱秉章嚴樹森劉

蓉張集馨曰川省進援漢南之兵現已雲集逆匪
被剿窮蹙勢必東趨興安漢江以北防兵甚少石
泉縣知縣陸堃現約漢陰甯陝西鄉各廳縣每處
挑選壯丁一萬名以一半留守本邑一半出境防
剿憑險扼守並令楚師礮船梭巡上下辦理甚合
機宜張集馨卽飭令該員總司其事並飭西鄉等
廳縣一體照辦毋許從中牽制如有出力官紳卽

著從優保獎鄖陽一帶扼要處所並著官文嚴樹
森飭令梁作楫設法嚴防毋令匪蹤東竄鄂疆劉
蓉播授陝撫業已兩月疊經諭令馳赴漢南至今
尙無起程日期實屬玩誤現在川陝諸軍俱集漢
南亟須大員統率著劉蓉迅赴漢南督率諸軍力
解城圍並著駱秉章速催劉蓉赴陝毋再遲延據
張集馨奏川軍陸續到齊由南路進攻漢中漸次

得手惟沔縣褒城有賊西路尙覺空虛周達武等
兩軍如徑出大安驛兩縣之賊必望風而逃卽可
次第收復各等語著駱秉章迅速酌量辦理

初五日己酉曾國藩奏言金陵上方橋爲東南隅

糧路賊築壘久踞七月二十日蕭慶衍等滾營
進攻並用巨礮晝夜轟擊賊堅壁不出曾國基
於二十九日潛遣熊登武等繞過上方橋五里

許築營以截賊後賊糾衆來撲蕭孚泗李臣典等揮軍迎戰賊始駭潰合軍追及秣陵關破十餘卡並將上方橋賊壘攻毀醜類悉殲罕有脫者其江東橋一路爲西南要隘賊築石壘環繞木城城外隔水二道八月十一日夜陳湜選銳卒數百涉流而渡潛匿壘下飛擲噴筒賊方驚駭陳必友等衝過浮橋分左右抄擊陳湜督大

隊繼進各軍奮力登壘賊惶遽失措奪路爭竄
遂將衆壘一鼓下之兩處要隘旣經攻克當俟
上游軍事稍鬆卽可圖圍金陵此次出力人員
可否附入克復雨花臺案內請獎之處出自
聖恩陣亡員弁俟彙案開單請卹

曾國藩又奏言近日軍情青陽一城賊匪圍攻
已歷一月文報不通米糧久斷李榕部將鄭陽

和等至距城十里之袁橋紮營旋被該逆攻陷
諭吉三率三營繼進於八月二十一日攻破袁
橋賊壘小有撿斬二十二日江忠義席寶田兩
軍繼進將合謀力戰以解重圍青陽迤北爲銅
陵縣突有另股竄入彭玉麟派在防水師一戰
而卻其迤東爲涇縣賊股紛擾劉松山自甯郡
督隊至涇會同守將易開俊剿賊於金村等處

疊獲大勝又有花旗股匪窺犯甯國郡城劉松
山引軍回郡力戰卻之目下皖南羣盜如毛幸
劉典等由徽州分道出嶺進規石埭太平二縣
而臣所謂鮑超一軍亦由金陵上援先赴蕪湖
甯國或可力保皖南支持全局

同日都興阿奏冒長江綿亙數百里港汊紛歧
形勢不一惟裏下河完善之區爲賊逆日久垂

延現雖南岸勦辦得手而北岸防範更宜倍加
嚴密是以李鴻章咨商濟渡難民並地方紳士
稟請弛禁江防臣均未准緣南岸百姓凡過北
岸可謀生者早經北渡其無業貧民相安已久
卽有時勢須躲避南岸亦儘有可避之處而該
逆定欲驅民北渡者未必非計圖溷跡勾結之
意今自江陰克復後八圩港一帶南營採辦軍

需商民往來過渡並未禁止惟在北岸認真稽
查防範茲奉

諭旨飭令妥速籌商於沿江要隘酌設渡口臣斷不
敢拘執前議稍存畏難之心臣已飭藩司喬松
年迅卽查明沿江水口何處稽查易周調派巡
江船隻卽由該處設渡明張告示宣布

皇仁並派委妥員會同地方官及水陸官兵嚴定章

程查察安撫如有形跡可疑之人仍卽隨時認真查辦以杜奸匪溷跡至水師防剿情形據總兵吳全美稟稱探得南岸陸洲賊旗密布並有馬賊在江邊游弋卽揮令各船齊攏南岸適梁正源亦帶師船繼進開放大礮連環轟擊斃賊甚衆賊始敗走包港之賊竄至江邊亦經吳全美等揮兵擊退現在包港趨瓢港陸洲共有逆

賊三大股約二萬餘人並有賊船二百餘號停泊孟河難保非由江陰潰退無處奔逃意欲四散已嚴飭各幫水師加意防剿不得稍有疏虞均奏入

上命議政王軍機大臣傳諭曾國藩左宗棠都興阿吳棠李鴻章曰金陵官軍攻克上方橋江東橋諸賊壘剿辦甚屬得手著曾國藩卽行知曾國荃督

飭將士乘機攻取將城外各賊營次第掃蕩俟各路官軍會齊後再圖合圍以期攻拔堅城前據曾國荃奏報攻克江東橋等處石壘情形與曾國藩此次所奏大略相同所有應行獎卹人員卽著曾國藩查明彙案具奏青陽被圍一月有餘文報不通危急萬分李榕部將鄭陽和在袁橋紮營被匪攻陷雖經喻吉三攻破袁橋賊壘而賊勢並未大

創江忠義席寶田兩軍現已繼進著曾國藩嚴飭
該提督等合謀力戰迅解城圍並著曾國藩左宗
棠分飭劉典等軍速由徽郡分道山嶺規復石埭
太平與江忠義等軍會合夾擊將此股賊匪就地
殲除毋任旁竄涇縣甯郡各股賊匪雖經官軍擊
敗尙未殄除現在皖南羣盜如毛非西趨江右卽
東併金陵曾國藩現調鮑超一軍回援上游先赴

蕪湖甯國著卽飭令會同該處駐守各軍併力合
剿先將涇縣甯國各匪掃除淨盡再行約會池太
各軍將該處賊氛悉行掃蕩以期肅清金陵後路
都興阿奏南岸包港趨瓢港陸洲等處共有逆匪
三大股約二萬餘人並有賊船二百餘號停泊孟
河等語難保該逆非由江陰潰退無處奔逃意欲
四散紛竄江陰等處被難百姓固不宜禁其北渡

然匪徒之濶跡冒充亦不可不嚴行稽察沿江一帶渡口甚多豈容概行弛禁漫無防限著於衝要地方酌定何處渡口濟渡難民總以愈少愈妙便於盤詰其餘渡口概行封禁以防逆匪濶跡並著都興阿吳棠李鴻章妥議章程務於體恤難民之中仍寓防範奸宄之意毋致兩相妨礙仍著都興阿督飭水師嚴密梭巡毋令賊匪占踞沿江洲地

致防勦又形費手

初六日庚戌左宗棠奏冒蔣益澧一軍圍攻富陽

自四月以來城壘各逆伏匿不出江西肅清後

劉典引軍還歙相距漸近臣乃調康國器所部

馳赴富陽與蔣益澧合軍進勦富陽之北雞籠

山以下連築賊壘十餘處地勢最爲險要必由

此進攻奪其要隘斷其糧道始可制賊死命八

月初七日遊擊徐文秀攻雞籠山賊壘副將楊政謨等攻倚城賊壘蔣益澧自率親兵馳往督戰該逆見官軍大至齊出猛鬪徐文秀督隊奮擊將頭層賊壘攻破該逆拌死回拒槍礮如雨官軍鼓譟大進遊擊余朝貴等繼之搶入二層賊壘賊勢不支余朝貴等復奮力衝殺斃賊百餘名將大小賊壘賊卡盡行攻破新橋出賊千

餘來援亦經徐文秀等擊退遂因賊舊壘背水
結營其原泊江中拖罟廣艇及對岸大小礮船
連放炸彈向城轟擊城賊大震楊政謨等攻倚
城大壘城賊分隊來迎蔣益澧令副將劉清望
等助戰徹夜轟擊傷賊無數初八日黎明蔣益
澧復親督李運榮等馳往助剿軍士勇氣百倍
首先攻破賊壘一座賊勢靡亂不敢入城竄向

新橋一路總兵王月亮等督軍截殺斃賊數百
名蔣益澧飭徐文秀等由雞籠山繞出新橋併
力追殺遂將富陽縣城克復其新橋各壘踞逆
經高連陞等分路進攻該逆出悍黨萬餘迎敵
諸軍奮力攻擊立破賊壘六座殺賊數百名劉
清亮等亦踏平賊壘五座殺賊七百餘名徐文
秀等督勇追至合兵長驅共破賊壘二十餘座

卷之三
沿途斃賊不計其數生擒七百餘名奪獲旗幟
器械無算查富陽一城地處上游爲杭城鎖鑰
逆賊負隅死守與新橋賊壘相爲犄角此次水
陸各軍晝夜環攻將城壘一律攻克實足快人
心而彰

天討蔣益澧當飭劉連陞等營渡江一面令劉清亮
等八營駐紮新橋王月亮等兩營駐守富陽餘

悉隨蔣益澧沿江而下規取杭省距杭城十五里而營水師戰船已薄杭城轟擊臣復飭康國器迅率所部由富陽直趨餘杭魏喻義由新城出師夾擊如餘杭攻克卽調康國器所部襲取海甯州以固浙東之防據探首逆僞聽王陳炳汶往援嘉興現聞富陽攻破星夜回杭臣卽移營富陽相機調度至嚴州爲居中策應要區臣

現留兩營及水師一營駐之並調駐遂安之副將劉明珍兩營至嚴駐紮以資鎮壓臣仍隨時兼顧所有在事水陸弁勇可否彙案保獎出自天恩奏入

上命議政王軍機大臣傳諭左宗棠李鴻章曰富陽城爲杭城上游鎖鑰逆賊負嵎踞守經左宗棠督飭水陸各軍將縣城攻克並將新橋賊壘一併

攻破自應乘此聲勢規復杭城現在蔣益澧統率
各營沿江而下偏杭城十五里而營左宗棠亦已
移紮富陽相機調度著卽激勵諸軍鼓勇前進迅
拔堅城水師戰船進薄杭城著嚴飭該將弁等認
眞攻擊與陸軍相輔而行勿稍鬆懈康國器已由
富陽直趨餘杭魏喻義由新城出師夾擊著卽飭
令該員等迅圖攻克以孤杭城之勢一俟餘杭攻

拔卽迅速攻取海甯州城則浙東之防可固且與
蘇省規取嘉善之軍聲勢可期聯絡僞聽王現由
嘉興星夜回杭嘉郡自必空虛前據李鴻章奏官
軍攻克嘉善縣北之西塘鎮等處賊巢此時浙軍
已克富陽緊攻杭州如嘉郡機有可乘李鴻章卽
可檄飭將士乘虛進擣以牽賊勢著李鴻章酌量
調遣

上諭內閣曰富陽一城爲杭城鎖鑰逆賊久踞堅守
與新橋賊壘相爲犄角此次各軍晝夜環攻將城
賊壘賊悉數殲除實足以振軍威而寒逆膽著左
宗棠督飭蔣益澧等節節進取迅速攻拔杭城肅
清全省所有在事出力水陸弁勇著准其彙案保
奏候旨施恩

初七日 辛亥 陝西巡撫劉蓉奏冒據探髮逆大股

現在漢中府城附近數十里四面環紮復分股蔓延襄沔略陽一帶臣奉

命由蜀入秦自應先清漢南以次而北漢中被圍日久尤須迅籌進擊力解重圍四川督臣駱秉章派出援陝候補道張由庚提督蕭慶高總兵朱桂秋何勝必等軍均距漢郡不遠其何勝必蕭慶高兩軍已由南江通江先後進發計日均抵

漢境毛震壽所統之易佩紳一軍亦移紮兩河
口其由鄂派往之健銳營因候補京堂李雲麟
告假回旗暫紮興安尙未前進臣現已選募親
兵星馳前往相度機宜分路攻擊統計各軍萬
有七千餘人而髮逆大股號稱二十餘萬兵力
實嫌單薄該逆久頓堅城大軍進剿勢恐解而
東趨或仍由西鄉洋縣回竄鄖西或斜趨商洛

均未可定李雲麟疊奉

諭旨飭催迅赴漢南現尙未報到營應請

旨飭令迅速馳抵軍營卽由西鄉會剿以資扼擊奏

八

上命議政王軍機大臣傳諭劉蓉曰據奏籌辦陝西
軍務先將大概情形馳奏著卽照所議辦理至於
賊情詭譎旦夕變更該撫當隨時斟酌機宜妥籌

進止不爲遙制李雲麟一軍前據奏稱已由襄陽起程當經諭令迅由鄖陽赴陝解漢中之圍分兵救鎮安漢陰等處並令歸劉蓉節制毋庸單銜奏事其應由何路進剿著該撫酌度機宜就近知照辦理如賊股紛竄著飛咨川楚等省督撫迎頭合擊就地殲除勿任再擾完善

初八日
壬子駱秉章奏言陝西撫臣劉蓉定於八

月十二日由川省起程取道南江馳赴陝境親督諸軍相機進剿川省所派援陝之師共計一萬三千餘名現已陸續出境惟川北與陝南犬牙交錯陝南寇氛一經大兵攻剿難保不伺隙竄蜀現飭建昌鎮總兵周達武所部武字營暨知縣曾紀鳳定武營五千餘名分布廣元昭化及陽平關一帶以備北路防剿所有太平城口

等處亦須嚴防臣撥振武軍二千餘名前往駐紮奏入

上命議政王軍機大臣傳諭略秉章曰川省所派援陝之師現已陸續山境劉蓉亦自省起程取道南江進剿該逆一經官軍攻擊難保不紛竄蜀疆此時川北之防正當喫緊略秉章現飭周達武曾紀鳳兩軍分布廣元昭化及陽平關一帶並撥振武

軍二千名防堵太平城口等處布置尙屬周妥著
卽飭令在事文武嚴密堵截並著周達武等兩軍
俟裒沔肅清後仍著進紮漢郡聽候劉蓉調遣速

解城圍

初十日
寅甲寅張集馨奏旨川省援軍暨果健等營

於九月十六十九等日進攻油坊街官軍挫敗退至青石關二十三等日漢中城固相繼失陷

據石泉縣知縣陸堃稟稱城固上游新造礮船
盡爲賊擄若該逆乘勝長驅興安危如累卵沿
江而下石泉首當其衝楚北周有全所帶礮船
雖經強留而襄樊戒嚴梁作楫一軍業經該省
札調回防鄭陽若周有全再挂帆東去西北勢
尤空虛等語接閱之下不勝憤懣查川軍進紮
青石關蕭慶高等軍均在漢郡以南而東北一

面並無兵勇駐守欲籌一軍往援苦無於兵可
撥據探李雲麟全軍由鄖西取道山陽前隊已
到漫川關臣飛咨該京堂分兵徑出石泉嚴防
賊匪下竄復令毛震壽收集潰殘繞往西鄉防
堵北面以顧興安並咨商湖北督撫將統帶礮
船之候補知府周有全留泊茶鎮以防匪竄襄
沔一帶早有賊蹤已嚴檄留壩鳳縣等廳縣會

營聯團步步嚴防無令竄出寶雞更難收拾此
次郡縣失陷臣未能先事豫防咎無可辭相應
請

旨將臣交部議處奏入

上命議政王軍機大臣傳諭官文駱秉章嚴樹森劉
蓉李雲麟張集馨曰漢中被圍日久堅守待援張
由庚等軍前旣遲遲不進迫進屯雲峯寺等要隘

復不能慎重進剿致軍聲大挫郡縣失陷實屬貽
誤戎機劉蓉已由南江起程著卽星夜前進督率
漢南諸軍相機剿辦該處將領現已失利帶罪圖
功如再不知愧奮必當從重治罪決不寬貸一面
嚴飭毛震壽等招集潰散兵勇繞赴西鄉防堵北
面李雲麟將抵山陽卽著取道興安迎頭截擊梁
作楫一軍業經楚省調回興安一帶空虛可慮現

在城固礮船盡爲賊擄若沿江而下其勢更熾知
府周有全所帶礮船自應留泊茶鎮著官文嚴樹
森妥籌辦理其鄖陽所屬地方並著該督撫嚴密
防範以備不虞周達武曾紀鳳等營分布廣元等
處距漢中尙不甚遠著駱秉章飭令該總兵等以
剿爲防毋事株守張集馨前奏石泉等州縣每邑
集團萬人密布漢江北岸興安一帶可保無虞此

次又稱西北勢甚空虛可見該署撫從前奏報徒
事鋪張著傳旨申飭至此次漢中失守情形摺內
聲敘未詳並著劉蓉張集馨查明詳細具奏

上諭內閣曰漢中城固相繼失守西安道張山庚記
名總兵朱桂秋派援漢南始則遷延貽誤繼復輕
進失機均著革職留營以觀後效陝西布政使毛
震壽候補知府易佩紳辦理漢南軍務日久無功

甘肅肅州鎮總兵何勝必記名提督蕭慶高經駱
秉章續派帶兵援陝此次連失二城亦難辭咎以
上四員均著交部嚴加議處張集馨未能先事豫
防著一併交部議處漢中城固文武下落及失事
情形著劉蓉查明具奏並著該撫激勵各軍迅圖
攻克毋稍延玩